

192 MONADELPHIA POLYANDRIA.

modo confici, uti de Banguè Persarum, seu Maslac Turcarum, sub Cannabi fativa dictum: vel etiam folia hujus in pulverem teruntur, elixantur cum Oryza in eundem finem, scilicet ad hilaritatem, & Temulentiam inducendam. *Amœn. Acad. 6. p. 184.*

DIADELPHIA

HEXANDRIA.

FUMARIA BULBOSA: caule simplici; bracteis longitudine florum.

Radice[m] plantæ hujus sub radicis Aristolochiæ fabariæ nomine officinæ: hæc amara, acris, vi emenagoga pollet. à LINNÆ.

OCTANDRIA.

POLYGALA VULGARIS: floribus cristatis, racemosis; caulibus herbaceis, simplicibus, procumbentibus; foliis lineari-lanceolatis. *Oed. 516.*

Polygalum DIOSCORIDIS, ex descriptione, & viribus, diversissima planta est à nostra. DALE non absque fundamento credit, Corollam junceam Linn. DIOSCORIDIS Polygalam esse. Planta, de qua sermo, jam pridem in officinas nonnullarum Regionum recepta; teste laudato DALE. Hujus folia in vino cocta alvum dejicere GESNERUS testatur.

Per

Per instituta in Galliis cum radice plantæ hujus experimenta patuit, hanc radici Senega, quæ ex eadem familia est, substitui omnino posse; licet minori cum successu data est in Pleuritide; *Acad. des Sciences 1740.* & nuper non sine successu in variis Nosocomiis Vienneſibus Phtifi opposita fuit. *Cel. de CRANTZ.* Nonnullæ officinæ recipiunt Polygalam amaram in hujus locum, ut efficaciorē magis.

POLYGALA SENEGA: floribus imberbibus, spicatis; caule erecto, herbaceo, simplicissimo; foliis lato-lanceolatis.

Senegæ radix in officinis recepta, acris urensque; acido singulari temperata, evacuationes fere omnes adaugere solet; maxime vero Diuresin, & expectorationem; quandoque etiam Vomitum, & alvinam purgationem ciere. à LINNÉ, de CRANTZ. Primus TENENT radicis hujus notitiam nobis dedit in *Tractatu anno 1736.* edito. Americanis in ictu serpentis crotalophori specifica dudum fuit; & ex eo, quod hic ictus, homines Peripneumonia perimat, radicem hanc, quacunque ratione inflammationis pulmonibus, medelam allaturam esse, suspicaverunt Medici; quod dein plurimorum experientia comprobatum fuit: aliis in Hydrope, Arthritide, Podagra, Rheumatismo, incipiente Phtifi non sine successu probata. *Cel. de CRANTZ. SPIELMANN.*

194 DIADELPHIA OCTANDRIA.

Polygalas nostrates ratione virium ad radices Senega accedere, primus *Illustriff. Du HAMEL* evicit; & experimenta recentissima probant; testante laudato *SPIELMANNO*.

DECANDRIA.

ABRUS PRECATORIUS: Glycine: foliis abrupto-pinnatis; pinnis numerosis, obtusis. *Spec. Plant. 1025.*

Variat seminibus sanguineis; & albis pulcherrimis, maxime deleteriis. à *LINNE'*, *Syst. Nat. edit. XIII.*

SPARTIUM SCOPARIUM: foliis ternatis folitariisque; ramis inermibus, angulatis. *Oed. 313.*

Tota planta, flores, & semen officinalia sunt; vis splenetica, nephritica censetur, hinc & hepatica: calefacit, aperit, attenuat, aquosos humores educit tam per vomitum, quam per alvum, & urinas. *DALE.*

GENISTA TINCTORIA: foliis lanceolatis, glabris; ramis striatis, teretibus, erectis. *Oed. 526.*

Flores, & semina officinas Pharmaceuticas intrant, vi pellente, purgante prædita; à *LINNE'*. Seminum pulveris drachma una & semis in substantia propinata, fertur a plurimis tam commode evacuare alvum, ac unquam Helleborus niger. *Amaen. Acad. 7. p. 301.*

Flo-

DIADELPHIA DECANDRIA. 195

Flores in decocto purgare, in substantia vero vomitum efficere auctor est ETHMILLERUS. Folia exsiccantem amaritiam, saporem acrem, & nauseosum possident. Animalium, quæ planta hac vescuntur, Lac amarum evadit. Maximum in arte Tinctoria usum planta habet; hæc sive recens sit, sive siccata, ad coloranda corpora, flavo viridique colore adhibetur: præcipue vero lana vilioresque panni, hac planta egregie tinguntur. Cum urina, & cineribus clavellatis, dat colorem aurantium persistentem; si cum creta contusa planta, in aqua Calcis, tum denuo cum Alumine coquatur, acquiritur color elate flavus. *Onom. Botan.*

ONONIS ARVENSIS: floribus racemosis, geminatis; foliis ternatis, superioribus solitariis; ramis inermibus, subvillosis.

Ingrata, diuretica, emenagoga planta, in Hydrope, Calculo laudata à LINNÉ. Post GALLENUM, qui primus vim Calculum comminuendi plantæ tribuit, teste SPIELMANNO fere omnes Medici contra Calculum laudant: nullus vero propria experientia confirmavit. *Magnificus de HAEN Rat. Med. part. VI. Cap. 6. p. 289.* casum refert curati Calculi a decocto herbæ Ononidis quovis mane assumpto: ac primo quidem spatio longiore, dein levamine insigni inde percepto, quater in anno quatuordecim dierum spatio decocti hujus usu (quod ex pugillo herbæ Ononidis in senti

196 **DIADELPHIA DECANDRIA.**

libra aquæ pauxillum cocto consistit) continuato.

LUPINUS ALBUS: calycibus alternis, in appendiculatis; labio superiore integro; inferiore tridentato. Flores albi. Semina compressa, orbiculata.

Lupini semina officinæ recipiunt; sicca, amaricantia, ingrata, flatulenta, anthelmintica à LINNÉ. Usus eorum Medicus internus multis suspectus ex AVERHOIS opinione, & observatione SIM. PAULI. *Cel. de CRANTZ.*

LUPINUS VARIUS: calycibus semiverticillatis, appendiculatis; labio superiore bifido, inferiore subtridentato. Foliola linearia. Flores rubri.

Hujus etiam semina officinalia sunt; viribus cum præcedentis feminibus æqualibus gaudent. DALE.

CYTISUS LABURNUM: racemis simplicibus, pendulis; foliolis ovato-oblongis.

Folia, & semina officinis dat; purgat per inferiora, & superiora vehementius DALE. Hoc præcipue de feminibus observatur.

COLUTEA ARBORESCENS: arborea; foliis obcordatis.

Folia, & semina officinas intrans; purgant non solum per inferiora, sed & vomitiones movent; hinc non nisi robustioribus exhibenda BUXBAUMIUS. Æque purgat ac Senna.

Medi-

DIADELPHIA DECANDRIA. 197

Medicamento hoc rustici ut plurimum uti solent. BOERHAAVE, DALE.

CORONILLA EMERUS: fruticosa; pedunculis subtrifloris; corollarum unguibus calyce triplo longioribus; caule angulato.

Folia olim officinalia erant. Vulgus hæc foliis Sennæ substituit, ut scribit RUPPIUS. Fœminæ medicastræ vocant Senesblätter, & utuntur his loco foliorum Sennæ: BUXBAUMIUS, DALE.

PSORALIA BITUMINOSA: foliis omnibus ternatis; foliolis lanceolatis; petiolis lævibus; floribus capitatis. Suffruticosa.

Radix, folia, semen, officinas Pharmaceuticas intrant. Urinæ difficultati, Comitibus, Hydropicis, fœminisque affectibus auxiliantur. Radix alexipharmaca est. DIOSC. DALE.

POLYADELPHIA

POLYANDRIA.

HYPERICUM ANDROSÆNUM: floribus trigynis; fructibus baccatis; caule fruticoso, ancipiti.

Folia, flores, semen, planta officinis largitur, partium tenuium Diuresin ciet, ac præcipue in lumbricis fugandis eminent: DALE.

HYPERICUM QUADRANGULUM: floribus trigynis; caule quadrato, herbaceo.